

أسرار اسم الله الحسيب "5" | الحلقة (50)

#أسرار_حسبي_الله_ونعم_الوكيـل | د. حازم شومان

حازم شومان

السلام عليكم ورحمة الله وبركاته. اخواني واخواتي في الله لا نزال في ظلال اسم الله الحسيب. يا جماعة كل اسم من اسماء ربنا الكون كله قائم عليه. كل اسم من اسماء ربنا لو كان غاب كان الكون كله يضيع. من غير اسم الله الرزاق كان الكون كله مات من الجوع. من غير اسم الله المقيت كان الكون - 00:00:00

كله اتشال فاكرين لما اوروبا اتشلت في ثلاثة وسبعين لما الخليج منع عنها البترول المقيت اللي بيدي القوت اللي بيدي الطاقة من غير اسم الله القيوم الكون كله ينهار. لأن هو اللي مقوم كل حاجة في الكون من غير اسم الله المهيمن. الكون كله يدخل في بعضه ويبقى فوضى مذهبة. كل - 00:00:20

بعض وكل الاجسام السودا تتبع جميع الكواكب والاجرام السماوية. من غير من غير اسم الله الحسيب. كان يحصل ايه؟ اسم الله الحسيب سبب ده من غيره الكون كله كان يهلك يا جماعة. هتعرفوا الوقتي ان الكلمة دي بدون اي مبالغة الكلام ده كلام علمي مليار في المية. من غير اسم الله الحسيب كان الكون - 00:00:40

كله يهلك كان الكون كله يضيع ما فيش شيء في الكون لا يوجد فيه اثر من اثار اسم الله الحسيب. لا يوجد زرة في جسمك لا يوجد فيها اسر من اسر اسم الله الحسيب. لا يوجد خلية واحدة في مخك في قلبك في كبدك في كلتك لا يوجد فيها اثر من اسر اسم الله الحسيب. لا يوجد - 00:01:00

مستوى هرمون في جسمك ولا منسوب ضغط الدم، ولا نسبة النبض ولا نسبة السكر ولا نسبة الانزيمات. الا وفيها اسر من اسر اسم الله والا الكون ده كله كان يتدمـر عـشـان كـدـه اـسـمـ اللهـ الحـسيـبـ اسمـ بـيـلـطـمـ الـالـحـادـ وـالـمـلـحـدـيـنـ لـطـمـةـ لـاـ قـيـامـ لـهـمـ بـعـدـهاـ اسمـ بـيـدـمـرـ الـالـحـادـ - 00:01:20

بينسف الالحاد تماما. العلماء الفيزياء الوقتي بعد ما اكتشفوا قد ايه الكون محسوب بالسانية. قد ايه كل شيء في الكون محسوبة بالسانية. قد ايه معادلات الكونية او الفيزيائية والكميائية محسوبة بادق النسب الملحدين في ورطة مذهبة. وقاعددين يدوروا على اي كلام جنوني زي فكرة تعدد - 00:01:40

اخوان كده عـشـان يـهـرـبـواـ بـهـاـ مـنـ فـكـرـهـاـ هـوـ الـكـوـنـ دـهـ اـتـحـسـبـ كـدـهـ اـزـايـ ؟ـ هـوـ الـكـوـنـ دـهـ اـتـعـمـلـ اـزـايـ ؟ـ دـهـ اـقـلـ حـاجـةـ بـسـ مـاـ كـانـتـشـ كـانـتـ تـخـرـجـ عـنـ الـحـسـابـاتـ - 00:02:00

كان الكون ده كله يهلك بما فيها وده معنى قول الله سبحانه وتعالى الشمس والقمر بحسب ابن تيمية شوفوا من كم سنة شوفوا من القرن السابع لحد دلوقتي بيقول اي بحساب دقيق. كل حاجة في الكون محسوبة بالسانية. محسوبة بالفييمتو سانية. بالفييمتو سانية محسوبة بالجزء - 00:02:10

في سانية والا الكون ده كله كان يضيع ويهلك فاسم الله الحسيب لواله لهلك الكون كل شيء في جسمك محسوب محسوب سانية وبالدقة كل شيء في الكون محسوب بالسانية وبالدقة. فاكرين يا جماعة صاروخ تـشـالـنـجـرـ الـلـيـ اـتـحـرـقـ بـعـدـ سـبـعـتـاـشـرـ سـانـيـةـ بعد ما امريكا جنت العالم - 00:02:30

كله تـشـالـنـجـرـ اـتـحـرـقـ قـدـامـ الـعـالـمـ كـلـهـ.ـ وـقـدـامـ الـكـامـيـرـاتـ وـبـقـىـ رـمـادـ هوـ وـرـوـادـ الـفـضـاءـ الـلـيـ فـيـهـ.ـ لـيـهـ؟ـ عـشـانـ مـعـاـدـلـةـ بـسـ صـغـنـةـ منـ

معادلات الصاروخ يعني ما اتحسبتش بالفييمتو سانية الصراح كله اتحرق! اومال الفضائح كله ماشي ازاي! لما الصاروخ ده ولع عشان بس حاجة صغيرة كده ما اتحسبتش! امال - 00:02:50

الفضاء ده اومال الفضاء ده كله ماشي ازاي والكون والمية وستين مليار سنة ضوئية. كل دول ماشيين ازاي الا بحسابات مذهلة وفوق المذهلة فهو اسم بيلطم اللحاد. طب تعالوا نتكلم كده يعني ايه الشمس والقمر بحسبان. تعالوا نتكلم الاول على مستوى الزرة. قبل ما نتكلم على مستوى المجرة. قبل ما نتكلم على الشمس يا جماعة - 00:03:10

قبل ما نتكلم عن القمر قبل ما نتكلم على الحسابات في كل حاجة حوالينا الزرع الالكتروني. الالكتروني بيدور حواليين النواة بسرعة الف كيلو في سانية الف كيلو في السانية محسوبة. بيدور مليار لفة في السانية الواحدة. تخيل لو ده التسبيح بتاعه. ده كائن بيسبح مليار مرة في السانية الواحدة - 00:03:30

النواة محسوبة لو كانت اقل من كده زرة كان الالكترونيات مشت وسابت المدارات بتاعتها. سبع مدارات للالكترونيات حواليين النواة. كل الكترون عارف ما يخرجش عنه الا بحسابات دقيقة جدا. عدد الالكترونيات لازم يكون نفس عدد البروتونات والا الزرة تنهار. عشان الشحنة - 00:03:50

الزرة تتعادل الزرة لو انهارت المجرة وينهار الكون كله وينهار الافلاك وكل ما فيها الشمس والقمر بحسبان كل حاجة حساب دقيقة. الشمس بعد الشمس. لو الشمس كانت ابعد من كده كنا تلجننا. اقرب من كده كنا غلينا. الشمس تلات طبقات - 00:04:10

شعاع الشمس بيخرج من المفاعل النووي اللي في قلب الشمس بيدخل في الطبقة اللي في النص. عارفين بيقعد قد ايه في الطبقة اللي في النص؟ اما يوصل لطرف الشمس ميت الف سنة. يعني شعاع الشمس اللي على ايدك الوقت ده طلع من الشمس من ميت الف سنة. مين اللي مرتبها لك؟ مين اللي حاسبها لك؟ القمر لو - 00:04:28

اقرب او ابعد كان المد والجزر. اهلعوا الكرة الارضية كلها لان القمر بيتحكم في البحر. بيتحكم في المد والجزر. نسبة الاكسجين لو كانت اكتر من كده كان اقل كبريت يولع الدنيا. ولو اقل من كده كنا نتختنق ونموت. سmek القشرة الارضية لو اكتر من كده كان ساني اكسيد الكربون اللي في الجو كله ضاع وكنا هلكنا - 00:04:48

سمك الغلاف الجوي محسوب بالزبط. كل حاجة محسوبة. بعد القمر حجمه الشمس الافلاك. حجم الكرة الارضية وكان اكبر او اصغر نسبة المایة على وجه الارض ونسبة المایة المالحة بالنسبة للمية العزبة والا كان هلكنا وكنا ضعننا نسبة الملح في مياه البحار - 00:05:08

والا كانت المایة تعفت واسنت وما لقناش مایة. نسبة درجة غليان المایة ودرجة تجمد المایة. تخيلوا لو لو الجليد اللي في القطب الشمالي والجنوبي كان بيسبح بدرجة حرارة اقل. كانت الدنيا كلها ساحت مع اقل حر وكانت الكرة الارضية كلها غرفت. وده اللي رب العلماء - 00:05:28

دلوقي ان درجة حرارة الارض ترتفع عن كده القطبين يسيحوا. الارض كلها تغرق الشمس والقمر بحسبان من الكتب اللي مسلت صفعة قوية جدا على وجه اللحاد كتاب اسمه جاست سكس نمبرز. فقط ستة ارقام. الكتاب ده الكتاب ده عندي. الكتاب ده لعالم من علماء الفيزياء المشاهير في العالم - 00:05:48

بيقول ان فيه ست ارقام لو كان اي رقم منهم اختلف جزء من المليار. كانت الكرة الارضية مستحيل يبقى عليها حياة. ولا كان يبقى فيه سما ولا مجرة بامانة ولا نجوم ولا شمس ولا كرة ارضية ولا ميه ولا مخلوق يعرف يعيش على وجه الارض. بيقول فيه ست ارقام. مستحيل الرقم الاولاني - 00:06:08

نسبة القوة الكهرومغناطيسية لقوى الجاذبية الكونية وكلام معقد يا جماعة بس انا عايزك تنبهر انا عايزك تعرف يعني ايه اسم الله الحسيب انا عايزك تعرف يعني ايه اني من غير - 00:06:28

اسم الله الحسيب كان الكون هلك فعلا. انا عايزك تعرفي ان فيه كلام كبير اوبي اوبي. انا مضطر اقول كلام المتخصصين بس او

اللي بيحبوا القراءة اوي هم اللي ممكن - 00:06:38

انما يا اخوانا العلماء مذهولين في العالم حتى طلعوا نظرية اسمها نظرية الاوتار الفائقة. يعني ايه الاوتار الفائقة؟ يعني ان العالم ده عامل زي سيمفونية كده محسوبة كل لحن فيها محسوب مين اللي حسبها؟ مين اللي زبطة؟ قال لك الرقم الاول نسبة القوة الكهرومغناطيسية لقوى الجاذبية الكونية - 00:06:48

دي لو كانت اختلت اي خلل ما كانش بيقى فيه حياة. الرقم الثاني نسبة القوة الجاذبية المضادة الكونية. المضادة الرقم الثالث سرعة تمدد الكون وانا لموسعون اللي ربنا قالها من الف وربعمية سنة وهبل خد جايزة نobel فيها وانا لموسعون سرعة تمدد الكون. الرقم - 00:07:08

رابع نسبة تحول الهيدروجين لهليم في اول سواني في عمر الكون. في لحظة ولادة الكون. ازاي النسبة اتحولت ولو كانت زادت كان حصل ايه في الكون؟ ولو كان قال لك كان حصل ايه في الكون؟ الرقم الخامس نسبة كثافة الطاقة او عدم - 00:07:28
انتظام كثافة الطاقة كلام صعب بقى انا مش عايز اكمل عدم انتظام كثافة الطاقة في اللحظات الاولى في ولادة الكون. انا مش قصدي يا جماعة ان انا اجياب لكم معلومات علمية - 00:07:48

انا عايز اقول لكم ان الموضوع كبير. ان اسم الله الحسيب ده اسم بيتحكم في الكون قد ايه. ان اسم الله الحسيب ده ربنا حسبها بالسانية في الكون قد ايه. عشان كده اسم الله الحسيب بيحيب - 00:07:58

في وجود الله. اسم الله الحسيب بيحيب ثقة في رحمته وحنانه الشمس والقمر بحسبان. انا لما بخرج مع ابني بلبسه هدومن على قد الجو بالزبط. لا تحرروا ولا خفيقة تبردوا. مين اللي حسيها لك كده عشان تعيش متديفي ومسقط وفرحان والهوا جميل ولطيف.
والطقس بالمنزد ده - 00:08:08

مين اللي حسيها لك؟ الحسيب شفت الاسم ده جميل ازاي كل حاجة في جسمك محسوبة بالسانية لما كنا بندرس الاندوكرين في كلية طب علم الغدد الصماء كانت حاجة تطوير العقل يا جماعة. الهرمون - 00:08:28

يبقى نسبته في الدم واحد على مليون في الملي جرام. واحد على مليون في الملي جرام يقول لك لو زاد لو زاد بالميکرو. لو قل بالنانو الجسم كله يتدمى. دمار يعني نسبة الانزيمات. نسبة الهرمونات نسبة الفيتامينات. نسبة المواد اللي بتكون جسمك - 00:08:43
ده نسب محسوبة بكل دقة ضغط الدم الاوزان. يحصل ايه؟ ربنا يحفظنا يا رب. يعني احنا بنشوف في الاستقبال وحد وحصل نزيف في المخ طبطة لو قال انت عارفين يعني اكبر يعني اسباب الموت في الدنيا كاسباب دنيوية بيبقى منها ايه؟ نسبة ضغط الدم لو قل السكر لو زاد السكر لو قل - 00:09:03

كل حاجة في جسمك محسوبة بالسانية. محسوبة بالميکرو وبالنانو. كل حاجة في جسمك. انت مخك فيه ميت ملیار خلية عصبية. لو اتفروا يوصلوا من الارض للقمر عدد نجوم مجرة التبانة محسوبة. محسوبة بالعدد. الاتصالات اللي ما بين الميت ملیار خلية ميت تريليون - 00:09:23

اتصال في السانية الواحدة. يعني اكتر من عدد الاتصالات اللي موجودة على وجه الارض. وانت جنين في بطن والدتك كان ربنا بيزود مخك كل دقيقة متين اتنين وخمسين الف خلية عصبية. كل دقيقة طول ما انت جنين. كل حاجة مخ الرجال ومخ المرأة محسوبة. الحسيب حسيها. مخ الرجال اثقل من مخ المرأة بمية - 00:09:43

خمسين جرام. كل حاجة انا مش عايز اتكلم في التفاصيل. طب تعال ندخل في حة تانية غير المخ لأن المخ يتوه اصلا. ندخل في العين عدد وزن عضلات العين اللي في عينك - 00:10:03

ثمانية جرام محسوبة. التمانية جرام دول حدقة العين بتفتح وتنقل في اليوم ميت الف مرة. ميت الف مرة. الجفن بيتفقل ويرمش سبعة عشر مرة في الدقيقة يعني خمسة مليون مرة في السنة. يعني عينك بتتفسد زي ما السحاتة العربية لما بتتفسد الازاز القداماني. خمسة مليون مرة كل سنة - 00:10:13

سبعة عشر مرة في الدقيقة وزن الغدة النخامية في مخك نص جرام. بتطلع ستاشر هرمون محسوبين. لو بقوا خمستاشر تدمى. لو بقوا

لو بقو اربعتاشر حياتك تتدمر. ربنا نسأل الله اليقين والعاافية. ستasher هرمون بيطلعوا من نص جرام - 00:10:33

هي قاعدة في السلة ترس كده اللي هو الكرسي التركي. يعني كانها باشا يعني الغدة النخامية دي الباشا بتاتعة الجسم. نص جرام العضم افتحي ودنك وزنه نص جرام التلات عضمات. بتوع الازن الوسطى. النص جرام دول له من انت كنت تفتقدي اي تفاعل مع الحياة وما تسمعيش حاجة اصلا. ولا تقدر انك - 00:10:53

تسمع مين اللي زبطها لك ؟ مين اللي عمل لك الموضوع بالدقة دي ؟ عضلات عينك بتبذل مجهد ما انت طول اليوم قاعد تبص يمين وشمال وانت مش حاسس. بتبذل مجهد - 00:11:13

لانك مشيت على رجليك يوميا تسعين كيلو متر. تسعين كيلو متر انت متخيلا يعني ايه ؟ عشان كده العضو الوحيد اللي العلماء بيقولوا مستحيل يتزرع العين. قالوا لأن العين موصولة بالمخ باتنين مليون سلك. اتنين مليون سلك عصبي هيربطوا الاتنين مليون سلك عصبي - 00:11:23

في دول ازاي بيقول لك بصمة العين ادق من بصمة الصابع بتمن مرات. تمن مرات يعني بصمة العين مميزة ما بين كل انسان والثاني في متين وخمسين صفة. بصمة الصابع مميزة في حوالي اربعين صفة بس. يعني حسبان كل حاجة ربنا سبحانه وتعالى حسب كل حاجة. الحسيب حسيب - 00:11:43

كل حاجة في حياتك. نقطة دم واحدة. اللي بينقل دم مش عارف يعني ايه نقطة دم. انت دمك ده خمسين في المية منه بلازم. وخمسين في المية منه خلايا محسوبة. لو زادت - 00:12:03

البلازما او قال لك كان دمك ده يتجلط وبيوس والدنيا تفسد دمك وانت قاعدة دلوقتي في خمسة وعشرين الف مليار كرة دم حمرا والا الالف مليار خلية اللي في جسمك ما كانواش يقدروا ياخدوا اكسجين. لأن كرة الدم الحمرا ده الشيال اللي بيودي الاكسجين من الرئة للجسم ويرجع. دمك فيه - 00:12:13

خمسة وعشرين مليار كرة دم بيضا. لو قال له كان اقل ميكروب يموت الانسان. ما يزي يأجوج ومجوج لما بيموتوا بالنفف كده. لأن ما فيش قناعة دمك فيه الف مليار صفيحة دموية. تخيلوا دول لو زادوا. الدم يتجلط في المخ وفي العروق وفي القلب. جلطات قلب ومخ ربنا - 00:12:33

احفظنا نسأل الله اليقين والعاافية. والانسان قاعد مكانه. طب لو كان آآ قال له الانسان ينجز دمه كله ما فيش حاجة اي جرح صغير في خلال تلات تيام ينزل شف دم الانسان كله والانسان محسوبة. محسوبة بصورة فوق الزهول. يعني ما بعد الزهول بمراحل. كل حاجة في جسمك ربنا حاسها لك - 00:12:53

جسمك بيكون كل يوم متين مليون صفيحة دموية جديدة. متين مليون عشان بعد خمس تيام تموت ويجي اللي بعدها. كل سانية نخاع عظمك بيكون اتنين اتنين ونص مليون كرة دم حمرا. يعني انت لو سبحت ربنا اتنين ونص مليون مرة كل سانية يبقى انت بس بتشكر ربنا كده او حمدت ربنا. حمدت ربنا بس - 00:13:13

كرة الدم الحمراه هتحيط بايه ؟ ده انت ربنا حاسها جوة جسمك حسابات تتوه منها العقول ولا يستطيع احد ان يحيط بها ابدا. ويجي بعد كده ملحدين يقول لك آآ الكون جه كده. والكون جه صدفة الحسيب. اسم الله الحسيب. لولاه لهلك الكون. لولاه لضاع الكون - 00:13:33

المعنى الثاني اللي هنا خد النهاردة في اللقاء ده لاسم الله الحسيب. اللي حسب كل حاجة في حياتك بالسانية كل حاجة في حياتك بالسانية فيه احداث في حياتك. لو كنت موت نفسك عشان ترتبها الترتيب ده او تحسيبه على الحساب ده. مستحيل كنت - 00:13:53

زي ما ربنا قال اذ انتم بالعدوة الدنيا وهم بالعدوة القصوى. والركب اسفل منكم ولو توعدتم غزوة بدر لاختلافتم في الميعاد. ولكن قضي الله امرا كان مفعولا. لو انت كنت زابط ساعتك وزابط خمسين ما كنتش هتقدر. ما كنتش هتقدر اصلا انك انت تزبطها بالمنز ده. يعني ما انساش - 00:14:09

سبحان الله مرة وانا طالب في الكلية قعدت صليت الفجر في المسجد وقعدت جلسة الضحى وخرجت. وانا في غاية الهم اعمل ايه؟ طب انا مش عارف اوصل لربنا. طب يا رب اعرف يعني اتعرف على ربنا ازاي؟ قعدت - 00:14:29

واقف قدام النيل كده عندنا في المنصورة مش عارف اعمل ايه من الهم مش قادر اروح حتى. فقلت سبحان الله! مش فيه حديث مروي عن النبي عليه الصلاة والسلام. ان الواحد يقول حسبي الله لا الله الا هو - 00:14:42

عليه توكلت ورب العرش العظيم سبع مرات. سبع مرات قلتها سبع مرات بس بقلبي. قلت طب انا لما اقول حسبي الله ونعم الوكيل. يعني هيحصل ايه يعني؟ سبحان الله العظيم! يعني الموضوع بيعتاج معاملة. شوية كده يعني نمت وصحيت لقيت قلبي كده ما تروح تزور الشيخ يعقوب في القاهرة. فرحت المسجد - 00:14:52

وبنته دي كانت اول مرة اعملها في حياتي. اول مرة اعملها في حياتي وممكن ابات برة بيتي في حياتي اصلا. يعني حاجة ما بعملهاش اصلا في حياتي الا نادرا يعني. فقعدت - 00:15:12

في المسجد فلقيت شاب كده قاعد يكلم اتنين في اخر المسجد فانا قاعد ابص له كده يعني ما ليش دعوة انا قاعد بقى مركز في القرآن والذكر وباشوف اعمل ايه وقاعد مهموم - 00:15:22

وبعد كده قلت اما تروح تسمعه قعدت قدامه لقيته بيقول كلام عن ربنا عمري ما سمعته في حياتي. واحد يتكلم عن سيدنا ابراهيم ما خير بين الله وشبيه الا اختار الله - 00:15:32

انا اول مرة في عمري احس ان انا قلبي ساجد تحت العرش. ده مين ده؟ كان الشيخ امين الانصاري. اول مرة كت اتعرف عليه واول مرة كت اسمع حد بيتكلم بالطريقة دي. اللقاء ده كل حياتي بعده غير قبله. حياتي اتغيرت اول ما بدأت اسمع عن ربنا. هو معرفة ربنا جميلة اوكي كده. بدأت بقى - 00:15:42

ارکز في الاسماء الحسني والاسماء والصفات ومعرفة الله. حسبي الله ونعم الوكيل بعد الضحى غيرت حياتي. ربنا حاسبها. طب انا لو كنت رحت يا شيخ ما كانش بيروح في كل يوم في المهازا المسجد وما كانش بيروح في كل وقت. اللي جمعنا مين؟ اللي رتب لي اللقاء ده مين؟ فيه حاجات ربنا حاسبها لك في حياتك - 00:16:02

بالسانية دخولي في الدعوة الى الله كان محسوب بالسانية. والله يا اخواني مرة قاعد في البيت وانا متخرج من الكلية في سنة امتياز فقاعد مهموم وانا اتخرجت وربنا ما استعملنيش في الدعوة. ومتضايق فمن لهم قلت انزل اروح مشوار. انزل اتحرک. انزل نازل فيه منزل كده يعني على بعد مية متر من - 00:16:22

فالعربيات بتنزل منه كده العربية بتتعدي في سانية في سانية. فواقف لقيت عربية تاكسي جاية شاورت له وقف طلع واحد اخ من اخوانا في التبليغ والدعوة فبيقول لي كان تاني يوم - 00:16:42

قال لي دا احبابنا في التبليغ قاعدين في مسجد السلام في المنصورة النهاردة المغرب. ما تروح لهم فانا يعني ايه متضايق وما اعملش حاجة. قلت طب ما ترد يعني هو انت يعني انت اصلا كده كده مش عارف تعمل حاجة في الدعوة. رح رح وشف الناس الطيبة الجميلة ديت. استفید منها - 00:16:52

والله يا اخواني شوفوا يعني انا اصلا لما بافتكر الموقف ده بابكي وانا قاعد بيني وبين نفسي. انا المنزل ده لو كنت نزلت متأخر خمس سوانى ما كانش ده عدى اشمعنى التاكسي ده؟ والاخ ده اشمعنى ده؟ لو كنت بدرت خمس سوانى كنت خدت تاكسي تاني. لو كنت نزلت متأخر تلات سوانى - 00:17:11

تاكسي وعدي ضيق نقطة. نقطة والعربيات بتتعدي منها في سانية. ربنا حاسبها لي بالسانية. نازل في السانية اللي دا هيعدى فيها. عشان يقول لي المسجد عشان اروح المسجد عشان اقعد شهرين معهم ليل نهار شغال في الدعوة. اتعلم فن الدعوة الشبابية وانزل للشباب في الشوارع. وربنا بطلق لسان الواحد في الدعوة - 00:17:31

وكل اللي الواحد عمله بعد كده في حياته في الدعوة الى الله الى هزه اللحزة بسبب هزه اللحزة. اما ربنا يحسبها لك بالسانية. اما ربنا الواحد لو قعد يفكر في التجارب اللي في - 00:17:51

مش ممکن احد اخوانی يعني له واحد قریبه نازل في بلد فماشي بالعربية فواحدة بترش میه قامت جايها على العربية نازل
يتشاكل معه بيبص لها عجبته بدل ما يروح يتشاكل مع اهله. راح اتقدم لاهله واتجوزها. سانية يعني مین اللي خلی ایدها تغلط
وترش میه عليه؟ وكان ممکن ترش - 00:18:01

على عربية تانية ومین اللي نزل ده في اللحزة دي في البلد دي في الشارع ده في المدينة دي قدام بيت دي. بالسانية في حاجات ربنا
حاسبها بالسانية ياما الواحد قابل شباب يقول لي انا انا كنت ضابع انا كنت مش ملتزم انا كنت رايج اصلا عندي ميعاد مع استغفر الله
العزيز مسلا واحدة في شقة او عندي معاش - 00:18:21

مع شلة سوء في النادي او عندي ميعاد مخدرات وانا جاي اقعد من الشارع حاولت من شارع اقابلة مش عارف ليه اصلا. ولا عمري
حودت منه. قابلت واحد قال لي في درس ايماني - 00:18:41

انت حضرت التزمت وتبت بالسانية محسوبها لك. انا فاكر يوم ما الواحد التزم سبحان الله كان قصة والله يا اخوانی ربنا حاسبها
بالسانية. يعني يعني خلصت اخر امتحان في سنة اولی كلية طب وخرجت مش فاكر كان امتحان سیکولوجی ولا كان امتحان ایه
بالزیط - 00:18:51

خلصت اخر امتحان وقاعد بقى ماشي بالكلية والواحد كان زمان بيبقى مهموم اوی ليه ؟ عايز التزم ومش عارف عايز اقرب من ربنا
ومش عارف. فقاعد الف في الكلية مش عارف بقى اروح فين فقاعد - 00:19:07

اطلع وانزل والف وهاروح اعمل ایه ؟ يعني يعني فقمت طالع فنازل بعد ما كل الكلية مشت. الناس كلها مشت والاقسام قفلت. وكنا
بقينا العصر كده او بعد العصر والاقسام قفلت فانا نازل وانا خارج لقيت شاب معدی. الله يرحمه بقى يا صاحبی بقى دكتور شريف اه
اه دكتور تخدیر مات وما بين عميتيين نزل يريح في - 00:19:17

بتاعته في سكن الاطباء مات الله يرحمه. ده كان سبب التزامي. فانا قابلته فقال لي ده فيه تحفیز قرآن. ما تيجي. تحفیز قرآن! قال
لها قلت له للاطفال ولا للكبّار؟ قال لي - 00:19:37

للكبار ده بدأ ولا أهيدأ النهاردة اتشجعت ورحت نمت نص ساعة كنت مطبق وقمت رايج انا ایه اللي خلاني الف في الكلية عشان
وانا نازل الخارج يقابل ده ایه اللي خلاني اتأخر عشان يا جماعة الواحد لما بيفتك اکبر احداث في حياته واطهر احداث في حياته
اللحزة اللي دخلت فيها الدعوة اللحزة اللي دخلت فيها التربية - 00:19:47

اللحزة اللي قابلت فيها فلان اللي حياتي مشت بعد مقابلته باختلاف تماما. اللحزة والله يا اخوانی بالسانية. اول مرة الواحد
طلع في الفضائيات الموقف اللي حصل في الطريق عشان اوصل في اللحزة الفلامية. لو كنت وصلت قبلها ما كنتش بقت زي ما وصلت
في اللحزة دي. لو كنت اتأخرت كان في حاجة راحت - 00:20:09

قامت مین اللي مزبطها لك؟ مین اللي مزبط لك حياتك بالاستوب ووتش؟ مین اللي مزبط لك حياتك بالسانية وجزء من السانية
والفيمنتو سانية؟ ربنا سبحانه وتعالی ربكي حياتك كده فتشي عن الحسيب في حياته. فتش عن الحسيب في حياته. دور ربنا حسب
لك رزقك ازاي. ربنا جاب لك اللي انت كنت محتاجه - 00:20:29

بالزیط ازاي؟ استيكر لما طلعت المتبين جنيه وجا لك بالليل الفين جنيه. ما انساش واحد صاحبی استاز في كلية طب. استاز جراحة
قال لي انا طلعت امبراح آآآ خمسمية جنيه تقريبا آآآ قال لي اربع تلاف وخمسمية جنيه بالليل. فقلت لسة خمسمية جنيه -
00:20:49

قال لي كنت بابلو قال لي انا كنت متأكد ان لسة في خمسمية جنيه لانها عشر اضعاف. قولوا بعدها من وجه تاني كان لسة بادئ حياته.
فمين فتش عن الحسيب في - 00:21:09

حياته. فتشي عن الحسيد في حياته احسبها. احسبها في الصح بقى. مش هاحسبها في الغلط. فكر كده ربنا حسب لك حياته كده.
حياته مشت ازاي افتك المواقف اللي كانت بالسانية محسوبة. افتك رزقك ازاي جا لك. افتك مصالحك. ازاي مشت. مین اللي زبط
لك حياته. مین اللي حسبها لك - 00:21:19

المفتر ده مين حياتك ماشية متهندسة ازاي ؟ محسوبة بالمنزد ده ؟ احنا كده يا جماعة بازن الله سبحانه وتعالى وصلنا لنهاية اسم الله الحسيب. عايز الم لكم تسع معاني بقى بسرعة بتاعة اسم الله الحسيب. لأنها انتربت في الخمس حلقات. عايز المها لكم بسرعة جدا جدا جدا. في نص دقيقة بالضبط بازن الله سبحانه وتعالى. المعنى الاولاني - 00:21:39

اني للحسيب الكافي. انت مش لوحدك اللي مش هيسيبيك لوحدك. ابدا و قالوا حسبنا الله كفاية علينا ربنا لو الدنيا كلها باعتنا واتخلت عنا بيقى الكافي اللي مش هيسيبيك. ولا هيخللى عنك وانت مش لوحدك اسم بيديك قوة. المعنى الثاني اللي بيحسب لك كل حاجة. اللي هي عبادة الاحتساب - 00:21:59

اطمن اطمئن كل حاجة محسوبة عند ربنا. ما فيش حاجة هتضيع عند ربنا. ان الله كان على كل شيء حسيبا. اطمئن. المعنى الثالث اللي اللي بيحسب عليك كل حاجة. اللي ما فيش سيئة ما اتحسبتش. كل حاجة اوعى تظن ان في حاجة جملة وتفصيل اتسبت او راحت عند ربنا يعلم - 00:22:19

الاعين وكفى بنا حاسبين. المعنى الرابع اللي بيغمرك بالعطاء جزاء من ربك عطاء حسابا. حسابا يعني يفضل يديك لحد ما تقول كفاية خدكمانكمان اللي بيغمرك بالعطاء المعنى الخامس. اللي وفر عليك حسابات كتير اوبي في حياتك. انت تاعب نفسك بالحساب - 00:22:40

ومدمر نفسك بالحسابات والدنيا مش ماشية بحساباتك خالص. حزنك وهم وخوفك وهم وقلفك وهم. الدنيا مش ماشية بمعاييرك اصلا ولا هتمشي بمعاييرك والله يا اخوانى. الواحد لما وانا باقول لكم الكلام اللي باقوله دا وازاى ان كان لحزة دخولي في الدعوة محسوبة بالسانية امال انا قعدت عشر سنين قبلها عندي اكتئاب ليه ؟ لأن انا - 00:23:00

ما استعملتش. ولحزة التزام الواحد محسوبة بالسانية. ولحزة طب شلت همي ليه ؟ لما ربنا حسبها لك. هي لها معاد هتتيجي فيه. هتتيجي فيه احد اخوانى شاف يعني كان هيموت عشان يتجوز شاف سفينة فيها واحدة كده وحد بيقول له يعني ايه الجاية يعني ايه رزق جاي - 00:23:20

هي جاية في معاد. ما تقلقش الفرج جاي في معاد. بقى المعنى الاولاني الكافي اللي انت مش لوحدك. المعنى الثاني اللي حسب خد كل حاجة. المعنى الثالث اللي حسب عليك كل حاجة. المعنى الرابع اللي غمرك بالعطاء. المعنى الخامس اللي وفر عليك الحسابات بتاعة حياتك. حساباتك كلها غلط. بقى انت - 00:23:40

تسلم بقى للحسابات الصح واحسبها صبح بالكلام اللي ربنا قاله لك. المعنى السادس اللي حسب كل شيء في الكون. وكل شيء في جسمك اللي كل حاجة في الكون محسوبة. محسوبة ان كل شيء خلقناه بقدر وقدر في السرد. الشمس والقمر بحسابان. كل شيء محسوب من الزرة للمجرة - 00:24:00

المعنى السابع المعنى السابع اللي حسب كل شيء في حياتك. حياتك محسوبة بالسانية. رزقك كل حاجة في حياتك محسوبة. رزقك اجلك عدد انفاسك رزقك جاي امته ؟ الفرج جاي ازاي ؟ كل حاجة ربنا حاسبها لك بالسانية. شايل همي ليه - 00:24:20 ليه شايل هم ربنا سبحانه وتعالى بيرتب لك ولو توعدتم لاختلاف المعنى التامن اللي حاسب كل حاجة على كل زالم و مجرم يرسل عليها حسابانا. العقوبة محسوبة على حسب الجريمة. يرسل انما - 00:24:40

اللي حاسب كل حاجة على كل ظالم و مجرم مش هيعدى. المعنى التاسع المعنى التاسع المعتمد الوحيد حسيبي الوحيد الحسيب. حسيبي الوحيد. اي واحد هتقول ده حسب ونسب ممك الحسد ده يموت في اي لحزة. ولا يبقى الا الله سبحانه وتعالى الحسب الوحيد - 00:24:55

الوحيد اللي تعمد عليه بجد. المعنى العاشر الوحيد اللي تعلم حسابه في الحياة الوحيد اللي يتعلم حسابه وكفى بالله حسيبيا. الذين يبلغون رسالات الله ويخشونه ولا يخشون احدا الا الله. وكفى بالله حسيبيا. ما تعملوش حساب حد - 00:25:15 الا ربنا وفي نفس الوقت هو كفى بالله حسيبيا مش هيسيبيك يا ايها الداعية لو الناس كلها اتخلت عنك مش هيسيبيك لوحدك هو حسبك ونعم الوكيل بالله حسيبيها الوحيد اللي المفروض يتعلم حسابه. ما تعملوش حساب حد غير ربنا في الحق وفي الدين. وفي ارضاء الله

سبحانه وتعالى. اسم جميل قوي. اسم بيقويك واسم - [00:25:31](#)

بيفرحك واسم بيحررك كفى بالله حسيبا. اتحرر بقى من العبودية للناس والخوف من الناس. واسم بيشووك للصواب. واسم بيعزوك هو المعتمد الوحيد تزل نفسك لغيره له اسم جميل واسم عظيم. واسم كل نور عشنا معه خمس حلقات. فضل ومنة الله سبحانه وتعالى. اسأل الله ان ينفع - [00:25:51](#)

انا باسم الله الحسيب. اسأل الله ان ينور قلوبنا بنور اسم الله الحسيب. اسأل الله باسمه الحسيب. اسأل الله باسمه الحسيب. ان جعل القرآن العظيم رببع قلوبنا ونور صدورنا وجلاء احزاننا وذهاب همومنا. اللهم اكفنا ما اهمنا. اللهم اشفنا - [00:26:11](#)

من كل مرض وداء. اللهم انا نسألك اليقين والعافية. اللهم اكفنا بحالك عن حرامك. واغتنا بفضلك عن سواك حسبنا الله ونعم الوكيل. ونعم المولى ونعم النصير. سبحانهك اللهم وبحمدك. اشهد ان لا الله الا انت استغفرك - [00:26:31](#)